

**ODRŽAVANJE 32. GODIŠNJE KONFERENCIJE
EVROPSKE ASOCIJACIJE ZA STOČNU PROIZVODNJU
—EAAP— U ZAGREBU 1981.**

U Zagrebu će se od 31. 08. do 5. 09. 1981. godine održati jedan veoma značajan međunarodni skup — 32. godišnja konferencija Evropske asocijacije za stočnu proizvodnju — EAAP (European Association for Animal Production). Konferencija će se održati u prostorijama hotela »Intercontinental« u Zagrebu.

EAAP obuhvaća sve evropske zemlje — ukupno 29. Svake godine održava se tzv. godišnji miting na kojem se putem 250—300 referata iznose najnovija dostignuća nauke i prakse iz područja stočarstva, a tim sastancima koji se svake godine održavaju u drugoj zemlji, prisustvuje 600—800 stručnjaka. Konferencija traje 4 dana, a posljednja dva dana predviđena su za stručne ekskurzije.

Rad konferencije odvija se u 7 komisija: za stočarsku genetiku, ishranu životinja, držanje i zdravlje životinja, govedarstvo, ovčarstvo i kozarstvo, svinjogojstvo i konjogojstvo.

Očekuje se da će i naši predstavnici nauke i prakse svojim radovima u značajnoj mjeri učestvovati u radu ove konferencije.